

آبونه اولق ایستینلر دائره عدلیه ده
اداره مخصوصه سنه مراجعت
ایتملیدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

قانون مجازات

سنه لکی در سعادت ایچون مجیدیه
بکرمی غروش حسابیه التمش
غروشدر

طشره ایچون بوسته اجرتی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

تبلغات

۶۴۱ نومرولی نسخه ده مندرج پولیس

نظامنامه سنک مابعدی:

اوچنجی باب

برنجی فصل

پولیسک محاکمه و مجازاتی

۱۵۳ ماده بر جنایت ویا اوچ آیدن زیاده حبسی مستلزم جنحه ایله محکوم اولان ویا خود پولیس سلکنده استخدامیه مانع اوله جتی صورتده بعض اسباب بولنانلر ایله حسن ایفای وظیفه امرنده تکاسلی وپولیس مسلك و اوصافنه مغایر احوال وحرکاتی تکرر آیدن پولیس مأمورلری و قومیسر و قومیسر معاونلری و پولیس مفتشلی در حال عزل اولنورلر و بونلرک جرائم شخصیه لرندن طولانی امر محاکمه لری قاعده عمومیه به توفیقاً جهت عدلیه به عائددر در سعادتده اداره عزلی لازم کلن قومیسر و قومیسر معاونی و پولیس مأمورلری ایله مفتشدر حقنده اسباب عزلی مین تنظیم قلنه جق اوراق تحقیقه متصرفلر و پولیس مدیری و طشره جه والی والویه غیر ملحقه متصرفلری طرفندن ضبطیه نظارتیه ارسال اوله رق هیئت انتخابیه به بالتدقیق نظارتیه ایجابی اجرا قلنور.

۱۵۴ ماده اسلحه امیریه دن برنی ویا جیخانه سنی ساتان ویا قصداً تلف ایلیان ویا خود دکنزه ونهره دوشورمک وحریقندن قورتاده مامق و بر حادته اثناسنده غائب ایلک کبی احوال غیر اختیاریه ایله ضایع ایلدیکنی ادعا ایدوبده شهادات و دلائل و امارات کافی و مقنعه ایله اثبات ایده میان وهر نه سببله اولور ایسه اولسون شخص آخره ویرن پولیسلر جزا قانوننامه هایوننک ماده مخصوصه سی ذیلنه توفیقاً اسلحه و جیخانه بدلی تضمین ایله برابر مأموریتندن طرد و برسنه حبس اولنورلر.

۱۵۵ ماده پولیس قومیسر و قومیسر معاون و پولیس مأمورلرینک وظائف ملکیه لرینه متعلق احوالندن طولانی محاکمه لری مأمورین محاکمه سی نظامنامه سی موجبجه مجالس اداره ایله شورای دولت محاکمه وضابطه عدلیه به متعلق وظیفه لرندن و جرائم شخصیه لرندن طولانی تحقیقات و محاکمه لری قوانین عمومیه احکامنه محاکمه عدلیه به عائددر مضموناً محاکمه اوله جق پولیسلر البسه رسمیه لرینی لابس اوله رق موقع محاکمه چیقاریله مز.

۱۵۶ ماده آمرلری طرفندن وقوعبولان تنبیهاته رعایتسزک و سرکشک ایدن و معاملات ضابطه حقنده آمرلرینه وقت وزمانیه معلومات ویرمیان ووظیفه سنه دوامسزلق و امور مأموره سنجه مبالا سزلق کبی احوالی و مأمور اولدینی نقطه محلی و دوریه و قول خدمتی و سائر وظائف رسمیه بی ترک ایتک مثللو حرکاتی کوریلان و الحاصل صفت مأموریتنه یا قشیمیه جق سائر بوکبی احوالده بولنان پولیس قومیسر و قومیسر معاون و پولیس مأمورلرینه برنجیسنده تنبیه و اخطار وایکنجیسنده تکدیرو توبیخ اجرا اوله رق کنیه سی بالاسنه شرح و اشارت ایدیله جک و حال و حرکتی تکرر ایلر ایسه اداره عزلی اوله جق قدر.

۱۵۷ ماده پولیس قومیسر و قومیسر معاون و پولیس مأمورلری کندیلرینه تسلیم اوله جق تیمور باش اشیای امیریه بی ضایع ویا تلف ایدرلر ایسه اثماتی معاشرندن توقیف و تضمین ایدیلور.

ایکنجی فصل

در سعادت پولیس مفتشلی

۱۵۸ ماده در سعادتده ضبطیه نظارتی معیتده اون واستانبول پولیس مدیر لکی معیتده ایکی و بک اوغلی متصرفانی معیتده درت و اسکدار متصرفانی معیتده ایکی پولیس مفتشی بولنه جق قدر.

۱۵۹ ماده پولیس مفتشلی مأمور اولدق لری دائره داخلنده کی مراکز و مواقعده مستخدم بالجه

پولیس قومیسر و قومیسر معاون و پولیس مأمورلرینک وظیفه لرینی تماماً و منتظماً ایضا ایدوب ایتدک لری و مرتب اولان نقطه و دوریه لک مکملاً موجود اولوب اولمدیغنی و بونلرک تعلیمات و تبلیغات و یا صفت مأموریتلرینه مغایر بر حال و حرکاتلری و وقوعبولوب بولمادیغنی و الحاصل اشبو نظامنامه ایله معین اولان وظائف عمومیه نک حسن جریان ایدوب ایتدیکنی علی الدوام تفتیش ایده جک و نتیجه تفتیشاتی هر یکر می درت ساعتده واپورله مرجعه بیلدیره جکدر.

۱۶۰ ماده مفتشدر مراکز و مواقع ترصد قیودات و معاملات ایله سائر معاملات انضباطیه حقنده تدقیقات و خان واولتی وپانسیون وامثالی بیکار اقامتنه مخصوص محللرجه اصولاً دائماً تفتیشات اجرا ایدره ک معاملات مذکورنک کونی کوننده و اصولی دائره سنده جریان ایدوب ایتدیکنی یومیه راپورنده درج و تصریح ایده جکدر.

۱۶۱ ماده مفتشدر اثنای تفتیشده معاملات انضباطیه جه و پولیسلرک حال و حرکاتلرجه کوره جک لری قصور و نقصانی او مرکز ویا موقع قومیسرینه اخطار و کیفیتده مرجعه اخبار ایده جکدر.

۱۶۲ ماده مفتشدر اشخاص و اوراق مضره ایله مغل آسایش اوله بیله جک هر درلو احوال حقنده دخی تجسسات اجرا ایدره ک واقع اوله جق محسوسات و مشهوداتی در حال راپورله مرجعه بیلدیره جکدر و هر حالده مرجع لرندن آله جق لری امر و تعلیماته توفیق حرکت ایله جکدر.

۱۶۳ ماده مفتشدر پولیس سر قومیسر لرینک اهلیتیلرندن اولق اوزره منسوب اولدق لری دائره دن واقع اوله جق اشعار اوزرینه هیئت انتخابیه جه انتخاب و تعیین اولنور.

۱۶۴ ماده خدمتیلرینه دوام و وظائف تفتیشیه بی حسن ایضا ایتیان مفتشدر شدیداً مسئول طوتیلور.

۱۶۵ ماده ولایات شاهانه جه لزومی حالنده اشبو فصلده محرر وظائف تفتیشیه والی طرفندن

تسلیب اوله جق ذات معرفتیه اجرا ایتدیریلور .
۱۶۶ ماده تحقیقات و تحسینات خفیه ده بولمق اوزره ضبطیه نظارتی معیتده اوتوز بش ویک اوغلی متصرفانی معیتده یکرمی بش واسکدار متصرفانی ایه استانبول پولیس مدیریت معیتده اوتوز نفر پولیس قومیسر ومأموری بالتفریق سیویل اوله رق استخدام ایدیه جک و بونلرده پولیس سجل عمومی سینه قید اوله رق رتبه وصف اعتباری سائر مأمورین ضابطه دن برکونه فرقری اولیه جقدر .

۱۶۷ ماده ضبطیه نظارتی اشبو نظامنامه احکامک اجرا سینه مأموردر .

فی ۸ رجب سنه ۳۲۵

وفی ۴ اغستوس سنه ۳۲۳

محاکمات و مقدمات

کسریه قضای بدایت محکمه سی مدعی عمومی معاون سابق سالم افندیگ اوراق انفصالیه ومداغه نامه سی انجمن انتخاب مأمورین عدلیه جه لدی التدقیق جواز استخدامنه قرار ویرلشدر .

محکمه تمیز استدعا دأرهنسندن تنظیم واعطا قلنان اعلامدر :

صیدا قضای بدایت محکمه سی جزا دأرهنسندن تنظیم واعطا قلنان ۱۹ تموز سنه ۳۲۱ تاریخی اعلامک تقضی حقدقه عدلیه نظارت جلیله سندن ویریلان امر تحریری اوزرینه اولباده کی اوراق باش مدعی عمومیک مأموریت میه سنک ۲۴ تموز سنه ۳۲۳ تاریخی تبلیغنامه سی ایه محکمه تمیز استدعا دأرهنسندن تودیع اولمغله قرائت ومطالعه اولندی .

مذکور تبلیغنامه ضرب وصرف نفوذ ماده لرندن طولانی مظنون اولان کامل افندی والیاس فارس ایه معلوم الاسامی رفقای حقدلرده قضای مذکور بدایت محکمه سنجه اجرا قلنان محاکمات وتحقیقات نتیجه سنده مرقومونک افعال مذکوره به جرأتلری مع القسم واقع اولان شهادت ودلائل ایه ثابت اولدینی حالد برائتینه دأر اکثریتیه ویریلان قرار قانونه مخالف اولدیفندن اولباده کی اعلامک اصول محاکمات جزائییه قانونک اوچوز قرق یدنجی ماده سی موجب سنجه تقضی طلب اولمشدر . ایجابی لدی المذاکره مندرجات اعلامه نظراً مظنونلره عطف واستاد اولنان افعال وحرکاتدن بری لیزا نام قادینی ضرب ایتک و دیگرده من بوره نی قوه مؤثره اعسالیله زراعتدن منع ایلک ماده لرندن عبارت اولوب بوباده جریان ایدن تدقیقات ومحاکمات

نتایجنه نظراً مظنونلردن الیاس فارسک من بوره نی ضرب ایلدیکنه دأر برکونه اخبارات موجود اولد یغندن مرقوم حقدقه ویرلش اولان ضربدن برأت قراری یولنده اولوب انجق دیگر مظنون کامل افندیگ فعل ضربه جرأتی شهود مستمعه دن برینک اخبارات صریحه سی و دیگر لرینک دخی بونی مؤید اولان افاداتی وطیب راپوری مندرجاتی ایه مثبت اولدینی کی قوه مؤثره استعمالیه من بوره نک زراعت وفلاحتدن منعی جهته کلانجه بدایت محکمه سنک ذهابی وجهله زراعت ایدیلان اراضینک جهت تصرفیه سینه دأر طرفین بینه وقوعی درمیان اولنان نزاع واختلاف حرکت واقعه نک عدم مسئولیت قرارینه ربطه قانوناً سبب وعلت اولوب چونکه بواراضی مدعیه شخصیه نک یدنده اولوبده مظنونلر طرفندن خود بخود دخول ایه زراعت وفلاحته تشبث وابتدار اولوب اولدیفنگ بالتتحقیق تعین ایدیه جک فعل وحرکت لرینک تعین نوع ودرجه سینه کوره برقرار اتخاژی لازمهدن بولنش ایکن شواایجات قانونیه مخالف اوله رق مظنونلردن کامل افندیگ ضربدن و دیگر لریه برابر برأت وعدم مسئولیت لرینه قرار ویرلشی یولسز ومخالف قانون اولدیفندن اصول محاکمات جزائییه قانونک سالف الذکر اوچوز قرق یدنجی ماده سی حکمنه توفیقاً اعلام مذکورک مرقوم الیاس فارسک ضربدن برأتی متضمن اولان فقره سندن ماعداسنک بر موجب طلب تقضیه ۳۰ تشرین اول سنه ۳۲۳ تاریخنده متفقاً قرار ویرلدی

۶۴۰ نومرولی نسخه ده مندرج در سعادت جنایت محکمه سی اعلامنک بقیه سی :

محل مذکوره مقیمه طاووقی شوقینک زوجیه سی یتش یاشنده آستانه لی امینه بنت صادقک دخی وقعه دن معلوماتی اولدینی وکندوسنک محکمه صفه سنده بولندی خبر ویرلکه جانب ریاستدن اظهار حقه مدار اولق اوزره استماعنک تسبب ایدلیدی بیلدیریه رک ومن بوره حضور محکمه به کتوریه رک عند الافتتاح طرفینه قرابت ومناسبت وخصومتی اولدیفنی سولیسله خطرات لازمه قانونیه بعد الایفا بلا قسم استماع اولدقدقه برکیجه طویش اولدینی کورلتی اوزرینه طیشاری چیقوب باقدیفنده مقتول ادهمی متهم حقیقک خانه سی قوسی اوکنه دوشمش اولدینی حالد کورمه که سؤالنده بی عوجهم اوردی دیدیکی و مقتول مرقومک بچاق طاشیدیفنی ومتهمکده بچاغی بولندی بیلمدیکی سوبلدی . لدی السؤال متهم مرقوم سکوت ایتدی .

بچاق دأر امانتدن کوندلرمدیکی جهته بالضروره شاهدلره اراشه اولته مدی .
طرفینک توسیع تحقیقاته متعلق بشقه مطالبی اولدیفنی عند السؤال اکلادشلمغله تحقیقاتک تکامل ایتدیکی اکلادلقدقه معاون مومی ایه متهم حقیقک بالمتنازعه ادهمی جرح و قتل ایلدینی شهادت ومعاینه راپوری مندرجاتی وکندوسنک روش افاداتی وسائر دلائل وامارات ایه ثابت اولدیفندن بخله اولوجهله مجرمیتک تحت حکمه آلمشی طلب ودعوی ایلدی .
وکیل مدافع یوردانا کی یوسفیدی افندی شاهدلردن هیچ بری وقعه نی رأی العین مشاهده ایتامش وموکلنک منازعه نی اقرار ایتدی بوفعلک فاعلی اولدیفنه دلالت ایتدکدن بشقه شاهدلرک اکثریسی مقتولک اقراسندن بولنش اولدینی اجدلن شهادت لرینک کی طرفانه عد اولته میه جفی درکار اولوب قومیسر کال افندیگک شهادته کلانجه بیاقدقه قان بولندی سوبلیدی حالد اسکی ویاخود یکی اولدیفنه دأر راپور موجود اولدیفنی وازجمله مذکور بچاغک متهمک اوزرندن حقدیفنی حقدقه برکونه اخبار بولندی بیان ایه موکلنک برائته وبالفرض جارح وقاتل اولدینی اکلادشلیسه بیله مقتول ادهمک موکلنی جرح ایتدیکی ثابت اولدینی جهته اشبو قتلک بالمقابله وقوعی اکلادشلمقدقه ایدو کندن اولصورته فعل مذکورک فاعلی اولدیفنه قرار اعطاسی استدعا ومتهم مرقوم دخی بشقه دیه چکی اولدیفنی انبا ایتلریه محاکمه نک ختام بولدینی اکلادیه رق مذاکره اوطنه کیدلدی .

اوراق تحقیقه دن استتفهام وعندالحاکمه آتمام ایدیلان احوال وتدقیقات خلاصه ایدیه رک مذاکره کیفیته کیریلدکده ادهمک قتلدن طولانی اتهام ایدیلان حقی مرقوم ادهمی جرح و قتل ایتدیکنی ومرقومک کندوسنی یارمه ایه ضرب ایتدیکنی اتیان ووکیل یوردانا کی یوسفیدی افندی دخی شهادت واقعه به قارشو برطاق مدافعات سردیه موکلنک برائته وبصورت قبول اولدیفنی تقدیرده بالمقابله قتل فعلنک فاعلی اولدیفنه قرار اعطاسی استدعا ایدر اولدیفنی درمیان ایتدکلرندن فصل مسئله لازم کدی شویه که برکیجه دوریه کز مکده ایکن صولی قله جهتدن جان قورتاران یوقی دیو ایشدیکنی بر فریاد اوزرینه درحال کیتدیکنده ادهمک مجروحاً یا تقدیه اولدیفنی کورمسیله وسؤالنده کندوسنی حقیقک جرح ایتدیکنی سولیسله متهم حقیق در دستله اوزرینی تحری ایتدیکنده قانی یازمه بر مندی بولدیفنی کی فانیله وطوننده دخی قان لکهمی کوردیکی ومتهمک تعریفی وجهله بستاغنک یصدیفنی اتندن سیاه قبضه لی قین دروننده تازه قانی اولوب قانی برز ایه سیلنمش برده بچاق بولدیفنی ومتهمک

یارمقدقه یکی کسلمش بریاره کوردیکی وقار ذبحندن سرایت ایتدی دیدیکی حقوق عمومی سینه شهودندن قومیسر ثالث کال افندیگک وبر جمعه ایرتسی کیجه سی خانه سنده یا تقدیه ایکن برکورتی ایشتمکه کورلتینک کلدیکی محل اولان متهم حقیقک خانه سینه کیتدیکنده مقتولک متهمی قوللرندن طویدی حالد بچاغی بلند اه عشقه بولکنز دیو استمداد وبالاخره الی بوکرنده اولدیفنی حالد ایکی بوکم اشاغی اینه رک بی حقی اوردی سوزنی یاد ایلدیکنی و ورود ایدن قومیسر افندی یصدیفک اتندن برچاق چیقاردیفنی علوش بن شوقینک وحاصل اولان کورلتی به چیقوب باقدیفنده مقتول ادهمک متهم حقیقک قوسی اوکنده یا تقدیه وامان بی حقی اوردی بچاغی اتندن الکز دیمکه اولدیفنی فاطمه نک وبرکیجه جان قورتاران یوقی دیو واقع اولان فریاد اوزرینه قوشدقلرنده متهمک خانه سی اوطنه سنده مقتولک متهمی قویه ایاق اوزری یاصلانمش وایکی قوللرندن طویش اولدیفنی حالد امان حقیقک اوزرنده بچاق وار بی اوردی قورتارک دیدیکی وبصورده کلش اولان مأمورین ضابطه اشاغی اینش اولان مقتولک بلند کی قوشاغی جوزدیکندن قان افقدیه اولدیفنی کوردکار بی تصویر وشعبان وسالمک حضور محکمه ده مع القسم وکورتلری معقب چقدیفنده متهمک خانه سی قوسی اوکنه دوشمش اولان مقتول ادهمک سؤالنده بی عوجهم اوردی دیدیکی اظهار حق ایچون استماع اولنان امینه بنت صادقک طوغری نی سولیه چکنی یا تأمین اتم علی الدرجات تبیین ایلرینه نظراً وطیب راپورنده مرقوم ادهمک قتیلاً وفات ایلدیکی تعین اولنسنه شاهدلرک مقتوله قرابتلری شهادته غیر مانع وشهادت لرینک کی طرفانه اولدیفنی سوزنی جرمک صورت ایشاعنی عیاناً کورمدکلری بیان ایلری قضایسی دافع وپچاقده بولنان تازه قانک انانی جرحده بولاشمش اولان قان لکهمی اولدیفنی ومتهمک اوزرنده قانی بر مندی بولنش ایدوکی وفانیله وطوننده دخی دم لکهمی اولدیفنی شاهد قومیسر کال افندیگک شهادتی جامع اولسنه واولوجهله جرح اتانسنده قان کورلمی ومتهمک برونک قنادیفنی سولیسلی مثبت اولان برشیک معاینه ایه اثباتنه حاجت برافیه جق احوالندن بولمقدن ناشی تحلیل معامله سینه محل کوریه مامسنه بناء قتل مبحوث عنی متهمک ایقاع ایش اولدیفنی مصون عن الشبهات والظنون وجهله شهادت موجبیه مقتوله آلت جارحه بولنامسندن متهمک التده کی جرحه نک انشای منازعه ده یدندن مقتولک آلمسی اوزرینه استردادی کشا کشنده وظهرنده کی بره رکده مقتول طرفندن دفع مضرت ایچون الری طوتیه لر ق دیواره صیقه شدیریلشنده حادث اولمش اولدیفنی

بچاغک یالکز برنک وتهمیک بعدالجرح آرقه سنک قتل جانندن دیواره طیدلش اولسنک بی شک اولسنیه قرینه قاطعه درجه سینه مقرون بولمغله متهم حقیقک انکار وتأویلاتی ووکیل مدافعک بالجله مطالباتی غیر وارد اولدیفندن اوچوز یکرمی اوچ سنه سی جزیراننک برنجی جمعه ایرتسی کیجه سی ساعت درت بچق راده لرنده صولی قاده متهم مرقومک بالمتنازعه ادهمی تهوراً جرح و قتل ایتک فعلنک فاعلی اولق اوزره مجرمیته وجاهاً ومتفقاً قرار ویریه رک محاکمه اوطنه سینه عودتله قرار مذکور علناً قرائت ویریلان اولدقدقه معاون مومی ایه مجرم حقیقک قانون جزانک یوز یتش دردنجی ماده سنک فقره اولاسنه توفیقاً تحدید جزاسنی طلب وادعا ووکیل مومی ایه ایه مجرم مرقوم دخی بشقه دیه چکلری اولدیفنی انبا ایتلریه تعیین جزایه عائد محاکمه نک دخی اختتامی بعدالافهام تکرار مذاکره اوطنه سینه کیدلدی .

جهت جزائییه حقدقه دخی مذاکره کیفیت اولدقدقه مجرم حقیقک حرکتی قانون هایون جزانک یوز یتش دردنجی ماده سنک فقره اولاسنه موافق وفقره مذکوره [برکیسه من غیر تعمد بر شخصی اتلاف ایتش ایه اون بش سینه مدله کورکه وضع اولنور] عبارته سی ناطق اولدیفندن اشبو حکم قانونی به توفیقاً وابتدای توقیفی اولان اوچوز یکرمی بش سنه سی جادی اولیسنک یدنجی کوندن اعتباراً اون بش سینه مدله کورکه قونلسنه ومصارف محاکمه اولان جمعا یوزاللی غروشک کندوسندن بالتحصیل عدلیه وزنه سینه تسلیم ایتدیرلمسنه اوچوز یکرمی اوچ سنه سی ایلونک بشنجی کونی کذلک وجاهاً ومتفقاً قرار ویریه رک اصول تفهیمی ایشا وتمام قلندی .

محاکمات و مقدمات

چرمیک قضای نائب وبدایت محکمه سی رئیس جمال الدین افندیگک خلاف قانون توقیف اشخاصه جرأتی دیاربکر ولایتی استیناف محکمه سی مدعی عمومیکلندن وارد اولان اوراق تحقیقه مندرجاتدن مستبان اولسنه مینی رئیس مومی الیهک محاکمه آتته آلمسنه عدلیه نظارت جلیله سنجه مآذونیت ویریه رک مذکور مدعی عمومیکله تبایغات لازمه ایفا کیفیت محاکمه سندن طرف عالی مشیختناییه ده معلومات اعطا قلنشدر .

عجلون قضای ناجی وبدایت محکمه سی رئیس سعید ومستطق اعضادن عبدالرحمن ومستطق معاونی سعید ومدعی عمومی معاونی وکیل رفائل افندیگک

مواد معینه خلاف اصول وقانون معاملات ایه وظیفه مأموریت لرینک سوء استعمال ایلدکلری سوریه ویریت ولایتی عدلیه مفتشکلندن وارد اولان اوراق تحقیقه مندرجاتدن اکلادشلمسنه مینی محاکمه آتته آلملرینه عدلیه نظارت جلیله سندن مآذونیت ویریه رک محله تبایغات مقتضیه ایفا وریش مومی الیهک کیفیت محاکمه سندن طرف عالی مشیختناییه ده معلومات اعطا ایدلشدر .

اعلانات

در سعادت استیناف مدعی عمر میلک مأموریت برهنه سینه :

یانی روولور قورشونیه و قتل قصدیه جرح ایلدیکی ادعاسیه مظنون علیه اولوب غیر موقوف بولنان سینه کوننده یدی نومرولی میخانه ده میخانه جی ومحل مذکورده اون بش نومرولی خانه ده مستأجر ساکن فرانسه دولتی تبعه سندن اورته بویلی ، قره بیقلی ، قره قاش وکوزلی طوطو ولد اتیایله مرقوم طوطویه قتل قصدیه روولور انداخت ایتلرندن طولانی کذلک مظنون علیهم اولوب غیر موقوف بولنان محل مذکورده قره غولک یاننده یکرمی درت نومرولی خانه ده ساکن وایتالیا واپورلنده آتشیجی اورته بویلی ، بغدادی بکرلی ، قرال بیقلی ، مانی کوزلی مرقوم یانی ولد دیمتری وطاطوله دیوار جی محله سنده پاپس زقاغنده اوتوز سکر نومرولی خانه ده مستأجر ساکن ومحل مذکورده کورجیک ایدن مرقه لی یورکی ولد آریستیدی ومرقوم طوطونک خانه سنده ساکن فرار ایدن و اوصاف واشکالی غیر مضبوط بولنان اسپرونک اصول محاکمات جزائییه قانونک مواد مخصوصه سی احکامنه توفیقاً جنایت محکمه سنده محاکمه لی اجرا قلمق اوزره بولنرطن طوطونک قانون جزانک یوز سکسانجی ماده سی و دیگر لرینک ماده مذکورده علاوه سی احکامنه توفیقاً جنایتله اتهام لرینه قرار ویرلدیکندن متهمون مرقومونک هر زده کوریلورلر ایسه طوتیلوب محکمه مذکورده توقیفخانه سینه تسلیم لری لازم کله چکی بالجله ضابطه عدلیه مأمورلرینک معلومی اولق اوزره اشبو اخذ وکرفت مذکره سی در سعادت هیئت اتهامیه سندن بالتظیم اعطا قلندی .

برنجی تجارت حکم سینه :

آلمانیاده هامبورگ شهرنده مقیم آلمانی دولتی تبعه سندن وتجاردن لاندوریکرچین شرکتی لهنه وترعه دولت علیه دن وتجاردن اولجه آتته ده استوا نقولودی زقاغنده مقیم ایکن شدیکی اقامتکهنک مجهول ایدوکی خبر ویریلان ۲۰ قوندولی وقومپانییه سی علیه رق محکمه تجارت برنجی مجلسندن لاحق اولان ۱۱ مایس ۳۲۲ تاریخی و ۱۸۶

نومرولی اعلام غیانی استینافی حکمی علیه ژ. م. م. قوندولی طرفندن وقومپانیه سنه اضافله مدیر واعضاسندن ژ. م. م. قوندولی طرفندن با عرضحال اعتراض اولمقدن ناشی دعوائی مذکورہ نك اكمال رؤیتی ضمنندہ اشبو ۳۲۳ سنه سی قانون نایسنك طقوزنجی چهارشنبه کونی تعیین قلمش اولدیغندن مذکور ژ. م. م. قوندولی وقومپانیه سنه اضافله مدیر واعضاسندن مرقوم ژ. م. م. قوندولینك یوم مذکورده ساعتی راده لرندہ محکمہ مزبورده حاضر بولمسی ویاخود مصدق سندله بروکیل کوندرمسی لازم کله جکی وشاید کلز ویا وکیل کوندرمز ایسه دیگر طرفك وقوعبوله جق طلبی اوزرینه مذکور قومپانیه حق لرندہ معامله غیایه اجرا قلنه جنی معلوم اوزره اوزره تنظیم اولان دعوتیه ورقه سی اصول محاکمہ تجارت نظامه سنك یکرمنجی ماده سنك دردنجی فقره سنه توفیقاً علی الاصول محکمہ نك دیوانخانه سنه تعلیق قلندیجی کبی اوراق حوادث واسطه سیله دخی اعلان اولنور .

تجارت بحریه محکمہ سنه

غلطه ده کورکچیلرده ۴۹ نومرولی مغازه ده ساکن ایکن تجارت بحریه محکمہ سنندن افلاسنه حکم اولمش اولان مؤین بهار وقومپانیه سی ذمتده آله جغنی اثبات ویا موقتاً قبول وقیدایتدیرمش اولان آله جق لولرک قانونامہ تجارتك ۲۱۱ نجی و آنی ولی ایدن ماده سی موجبجه مفلس طرفندن تکلیف اولنه جق قونقورداتونك مذاکره سی ایچون ۳۲۳ سنه سی قانون نایسنك یدنجی بازار ایرتسی کونی محکمہ مذکورہ نك مصالح افلاسیه رؤیتده مخصوص اوطه سنه کلری اعلان اولنور .

مارپوشجیلرده نعمت خانی التنده واقع مغازه ده ساکن ایکن تجارت بحریه محکمہ سنندن افلاسنه حکم اولمش اولان خردوات تاجری هازی بهار ذمتده آله جغنی اثبات ویا موقتاً قبول وقیدایتدیرمش اولان آله جق لولرک قانونامہ تجارتك ۲۱۱ نجی و آنی ولی ایدن ماده سی موجبجه مفلس طرفندن تکلیف اولنه جق قونقورداتونك مذاکره سی ایچون ۳۲۳ سنه سی قانون نایسنك طقوزنجی چهارشنبه کوننده محکمہ مذکورہ نك مصالح افلاسیه رؤیتده مخصوص اوطه سنه کلری اعلان اولنور .

بلک اوغلی بدایت محکمہ سی اجرا دائره سنه :

اورمان ومعادن وزراعت نظارت جلیله سنه مربوط مکتب صنایع اداره سنك یا تقو ایلہ کفیلی

بولنان اسکدارده بلان اسکله سنده بلانومرولی خانه ده ساکن اسپرو وهاجی پترو ولد آورام ایلہ قاضی قریه سنده یل دکرماننده بلا نومرو خانه ده ساکن تفنکجی پنايوط ولد هاجی سیمون ذمت لرندہ آله جنی اولان قرق بر عدد لیرای عثمانینك مع فائض ومصارف محاکمہ تحصیلی حکمنی متضمن بک اوغلی بدایت محکمہ سی ایکنجی حقوق محکمہ سنندن لاحق اولوب مدعی علیهم مدیون اصل یا نقودن غیری اولان کفیل اسپرو وهاجی پترو وتفنکجی پنايوطك اليوم اقامتگاهلری مجهول اولمقدن ناشی غزته لرله بالاعلان معامله تبلیغیه سی ایفا ایدیلرک مدت قانونیه سی مرور ایدن ۲۱ تشرین اول سنه ۳۲۲ تاریخ وسکسان بر نومرولی برقطعه اعلام غیایینك تنفیذ واجراسی ضمنندہ محکوم علیهمدن کفیل مومی الیهمانك اقامتگاهلری مجهول اولمق حسیله ایجاب ایدن ایکی قطعه اخبارنامه نك اعلاناً تبلیغی نظارت مشارالیا وکیلی سعادتلو تحسین بک افندی طرفندن با استدعا طلب اولمش اولدیغندن اجرا قانوننك یکرمی طقوزنجی ماده سی حکمنه توفیقاً تاریخ اعلانندن اعتباراً طقسان بر کون ظرفده مومی الیها اسپرو وهاجی پترو وتفنکجی پنايوط اثبات وجود ایلهرک دین محکوم الی تسویه ایللری ایچون تنظیم قلنان ایکی قطعه اخبارنامه نك دائره اجرا دیوانخانه سنه تعلیق اولندیجی کبی مدت مذکورہ انقضاسنده اثبات وجود ایتدکری تقدیرده محکوم به دینی ادادن امتناع ایش عد اولنه رق معامله لازمه قانونیه ایفا وحکم اعلام اجرا اولنه جنی کیفیت تبلیغ معلوم اوزره اعلان اولنور .

حمیلہ خانمک سعادتلو حسین بک افندی ذمتده بک اوغلی بدایت محکمہ سی ایکنجی حقوق دائره سنك ایکی قطعه اعلامی ایلہ محکوم به آله جنی اولان مبالغ معلومه نك تأمین استیفاسی ضمنندہ مدیون مومی الیهک بدری متوفی محمدرائف اغادن انتقالاً متصرف اولوب حجز آلتنه آلمش اولان درسعادته آلاجه حمام قرینده چلبی علاءالدین محله سنده وقف اولوب مصر چارسوسنده ارزاق انباری دروننده کائن ۷ و ۲۷ نومرولر ایلہ مرقم ایکی باب مغازه ده نظاملو کتانبجی کدکسك یوز یکر میشر سهم اعتباریلہ قرقر سهمی لدی المزیاده طقوز بیک غروش آلتون اچہ بدل ایلہ طالبی عهده سنده تقرر ایش اولمغه تاریخ اعلانندن اعتباراً اوتوز بر کون ظرفده یوزده بش ضم ایلہ طالب اولانلرک یوزده اون نسببتنده کی دیپوزیتو اچہ لرینی استصحاباً بک اوغلی بدایت محکمہ سی اجرا دائره سنه مراجعت ایتلری و اوتوز برنجی یعنی قانون نایسنك یکرمی التنجی جمعه ایرتسی کونی ساعت

طقوز راده لرندہ محله ده صوک مزایده علنیه سی اجرا وقرارداده قطعیسی کشیده اولمق اوزره املاک مذکورہ پیشگاهنه عزیمت ایدہ جک اولان مأموری مواجهه سنده حاضر بولملری اعلان اولنور .

اذمید سنجانی بدایت محکمہ سی اجرا دائره سنه :

اذمیدہ تابع بانچه جک ناحیه سنك دره محله سی ساکنه لرندن باقش مغردیج زوجہ سی سرپوهی قادینك برقطعه اعلام نظامی ایلہ ناحیه مرقومه نك دره محله سی ساکنلرندن قهوه جی بتو کرقور مخدومی قره بت وزوجہ سی تقوهی قادین ذمت لرندہ آله جنی اولان مبالغ معلومه نك تأمین استیفاسی ایچون مرقوم ومزبورہ نك محله مرقومه ده کائن یعنی قوندول مناس خانه سی یساری سادی مغردیج خانه سی آرقه سی بودور اوغللری خانه سی جبهه سی طریق عام ایلہ محدود بر باب خانه وینه ناحیه مرقومه نك طراش چشمه موقعنده واقع شرقاً قوندول مناس بانچه سی غربا لاش قاشول کرقور بانچه سی شمالاً یول جنوباً دره ایلہ محدود ایکی اولک برقطعه طوت بانچه سی وینه ناحیه مذکورہ نك آرمود برونی موقعنده کائن شرقاً اسکچی قیریل بانچه سی غرباً کل مناس بانچه سی شمالاً طوروم قره بت بانچه سی جنوباً یول ایلہ محدود بر اولک برقطعه طوت بانچه سنك حجز وفروختی قرارلشدیرلمش اولدیغندن تاریخ اعلانندن اعتباراً اون بش کون صوکره بلمزایده فروخت اولنه جنی اذمید سنجانی بدایت محکمہ سی اجرا دائره سنندن اعلان اولنور .

آباصو بدایت محکمہ سی اجرا دائره سنه :

تبعه دولت علیه دن آیاصولی لیغور مولادولابک پنايوط خرالانبو وچقه وزوجہ سی دیمتروله ذمت لرندہ محکوم به آله جنی اولان مبالغدن طولای فروختی قرارلشدیریلان آيا قسطنطدی موقعنده واقع یدی تحریر نومرولی برقطعه باغ ایلہ قیریوترو موقعنده کی درت نومرولی زیتونلکک نصف حصه شایعه سی اجرا قلنان مزایده نتیجه سنده وسیم مجیدی یکرمی غروش حسابیلہ ایکی بیک ایکی یوز قرق غروشدہ طالبلری عهده سنده تقرر ایش اولمغه یوزده بش ضم ایلہ طالب اولانلرک اوتوز بر کون ظرفده آیاصو ناحیه سی بدایت محکمہ سی اجرا دائره سنه مراجعت ایللری اعلان اولنور .